

L'OCCITAN, D'ESTUDIS E DE MESTIÈRS : UN SITE INTERNET NOVÈL !

L'Onisep, en partenariat avec l'OPLO, Ofici public de la lenga occitana, e lo Creo Lengadòc, Centre regional de l'ensenhament de l'occitan - acadèmia de Montpelhièr, an mes a jorn lo site <https://www.occitanetudesmetiers.com>. Permet aquel siti, de descobrir las direccions multiplas que i pòt menar uèi l'apprendissatge de l'occitan dins las acadèmias de Bordèu, Lemòtges, Montpelhièr e Tolosa. Las informacions e los testimònis contenguts sus aquel siti entendon faire descobrir la modernitat e la vitalitat d'aquela lenga rajonala.



<https://www.ofici-occitan.eu/fr/accueil/>



<http://www.felco-creo.org/creo-lengadoc/>

Contact presse :

Laetitia MARTIG
Onisep Occitanie
06 20 89 28 51

laetitia.martig@onisep.fr

LA LENGA OCCITANA : UN BEN COMUN DE TRANSMETRE

Partida integranta del patrimòni de França, la lenga occitana es un ben comun que cal sauvar, promòure et transmetre. L'ensenhar, es valorizar la pluralitat linguistica e culturala, la continuitat intergeneracionala e l'exercici de la ciutadanetat. L'article 312-10 del còde de l'educacion precisa que l'ensenhament de las lengas e culturas regionalas es favorizat prioritàriament dins las regions ont son en usatge e que pòt èsser dispensat tot del long de l'escolaritat.

LAS NOVELTATS DEL SITI : DE TESTIMONIS VIDEOS E UN QUIZ LUDIC

De testimònis sota forme de videos son estats aponduts, permeton de partèjar l'experiéncia de l'aprendissatge d'aquela lenga e de l'exercici d'un mestier per de personas amb de perfils diferents (estudiant/a/s, professional/la/s, professor/a/s...). Lo siti internet prepausa d'ara en la un quiz ludic en occitan e en francés, una invitacion a descobrir la cultura occitana.

PARLAR L'OCCITAN, UNA AJUDA PER L'EMPLEC

De mai en mai de mestiers se desvelopan a l'entorn de l'occitan e d'emplecs novèls se creàn. Totes necessitan pasmens un bon nivèl de cultura generala e dins de domèns variats. Dins la rubrica « Mondes professionals », l'internauta trobarà de testimònis nombroses de personas que trabalhan amb l'occitan, que siàn professor, archivist, cantaire, jornalista... Aquela dubertura cap al monde es essenciala tanben per l'atractivitat toristica de nòstres territòris. Los professionals portaires d'aquela identitat culturala an l'occitan pegat al còrs e son conscients qu'aquela lenga dobrís de pòrtas nombrosas.

UN BILINGUISME ESTRUCTURANT

Es probat en didactica de las lengas e reconegut per las instàncias europencas que tot bilinguisme, quin que siá, es estructurant, e aquò tre la prima enfança. Aquel bilinguisme precòc desvelopa al nivèl cognitiu de competéncias que son de tot segur un atot educatiu. Dempuèi l'escola primària, fins a l'universitat e mai tot del long de sa vida, l'occitan se pòt aprene ! La rubrica « Se formar a l'occitan » vos infòrma sur las seccions dedicadas a la lenga occitana. Per l'ensenhament superior, la rubrica « L'occitan a l'universitat » presenta los diferents cursus possibles mai que mai dins las vilas seguentas : Ais, Bordèu, Clarmont-d'Auverna, Montpelhièr, Niça, París, Pau e Tolosa. Lo CAPES (Certificat d'aptitud al professorat de l'ensenhament del segond gra) d'occitan, lo concors especial CRPE (Concors de recrutament de professors de las escolas) e l'agregacion son tanben abordats dins aquesta partida dedicada als estudis après lo bac.

<https://www.occitanetudesmetiers.com>

Un siti per aquelas e aqueles que vòlon contribuir a faire viure la lenga occitana sus nòstres territòris, se cultivar, s'informar e s'orientar cap a una formacion e un mestier !

L'Onisep

Établissement public, l'Onisep et les professions dépend du ministère de l'Éducation nationale et de la Jeunesse et du ministère de l'Enseignement supérieur, de la Recherche et de l'Innovation. Il a pour mission d'informer sur les formations, les métiers et les secteurs professionnels via ses publications, ses productions numériques et ses services.

